



Martinus ille à teneris annis operã literis dedit, atq; prima artium & linguarum fundamenta in patria feliciter iecit. Postea sese ad Germaniæ academias cõtulit, & in primis Argentinæ atque Tubingæ Philosophiæ & Poëticiæ magna diligentia incubuit. Huic studio Græcarum literarum exactam notitiam cõiunxit, atq; Magisterij gradu comparato talis euasit, ut uiris doctissimis meritò connumeretur. Itaq; Tubingensis Aacademiæ proceres Martinũ inter professores receperunt, & artes cũ linguis iuuentuti explicare iusserũt. id quod ipse magna laude præstitit. Nam in carmine Græco & Latino scribendo erat felicissimus, præterea multis alijs disciplinis optimè institutus. Scripsit Martinus præter alia, multa de uiris doctis epigrammata Græca, quorum aliquot per amicos (ut huic operi insererentur) ad me transmisit. utpote de Hedione, Sturmio, Beurlino, & Thoma Grynæo, ex quibus ingenij uires facilè cognoscuntur. Is etiamnum Tubingæ superest, atq; sua eruditione & pietate eam scholam plurimùm exornat. Anon.